

Nunanut allanut Poortukkat

POST Greenlandip Niuernermi piumasaqaatai 1. januar 2019-imeersut

Niuernermi piumasaqaatit uku Nunanut allanut Poortukkanik nassiussinermut atuupput. Niuernermi piumasaqaatitun tapiliussatut Allakkerineq pillugu *Inatsisartut inatsisaanni nr. 3, 15. april 2011-meersumi* malittarisassat kiisalu POST Greenlandip allakkanik ingerlassisarnermi pisussaaffii kisermaassissusaataitaneralu il.il. pillugit *Namminersorlutik Oqartussat nalunaarutaat nr. 9, 24. Juni 2011-imeersoq* aammattaq atuupput.

Nunanut allanut Poortukkat tassaapput poortukkat nunani allani tiguisussanut, aamma Savalimmiuni Danmarkimilu tiguisussanut nassiunneqartussanngorlugit POST Greenlandimut tunniunneqartut.

1. POORTUKKAT (A Prioritaire-t)

1.1 Ingerlanneqarnerisa siviussusaat

Poortukkat (A Prioritaire-t) ingerlanneqarnerisa siviussusaannut nuna Poortukkat (A Prioritaire-t) nassiunneqarfiat apeqqutaavoq. Nunanut tiguisussanut ingerlanneqarnerisa siviussusaat pillugit allakkeriviit annertunerusumik paasisstusissinnaapput.

1.2 Poortukkat angissusissaat

Nunat allat sinnerinut poortukkanut angissutsit uku atuupput:

Minnerpaaffissaq: 14 x 9 cm. Poortugaq ammalortutut amilimasutulluunniit isikkoqaruni: takissuseq 10 cm aamma takissuseq + 2 x diameter/ portussuseq = 17 cm.

Annerpaaffissaq: takissuseq 150 cm aamma takissuseq + uuttuut takissutisip tungaanut ingerlatinagu kaajallallunili uututugisaq annerpaaq = 300 cm. Taamaattoq nunat ilaasa angissutsinut uuttuutit killissaat minnerit aalajangersagaraat.

Danmarkimut Savalimmiunullu angissutsit annerpaaffissaat immikkut ittut: takissuseq 220 cm. aamma takissuseq + takissutisip sammivianit allaanerusoq kaajallanneq uuttorneqartoq annerpaaq = 360 cm.

1.3 Oqimaassuseq

Poortukkap poortuutini ilanngullugu oqimaannerpaaffissaraa 20 kg. Taamaattoq nunat ilaasa oqimaassusimut killissat minnerit aalajangersagaraat. Poortukkat Danmarkimut nassiussat taamaattoq 35 kg-t oqimaassuserissavaat.

1.4 Imai

Poortukkap imaa akitsuusigassaanersoq kiisalu nunami tiguisussami malittarisassat malillugit Poortukkap imai nunamut nassitsivigisamut eqqunneqarsinnaasuunersut, taamaappallu malitassat suut tunngavigalugit tamatuma pisinnaanera misissussallugu nassiussisup akisussaaffigaa. POST Greenlandip pissutsit tamakku misissorneq ajorpai aammalu tamakku pillugit siunnersuisinnaanani. Taarsiulluguli nassiussisumut inner-suussutigisarlugu nunap nassitsiviusussap oqartussaasui, soorlu aallartitaqarfii konsulateqarfiilluunniit saaffigeqqullugit.

Poortugaq makkuninnga imaqaassanngilaq:

- Aningaasat, check-it angalanermi atugassat, allagartaatit, saffiugassat erlinnartut, soorlu platin, guulti aamma sølvi, ujaqqat erlinnartut kiisalu pigisat akisuut. Poortukkat imaat tamakku taamaattoq killiikkamik nalilerlugit Poortukkat Nalilittut nunat ilaanut nassiunneqarsinnaapput. Allagartaatit paasineqassapput akiitsut allagartaat, aktiat, check-it cross-igaanngitsut, akiitsukkanut uppernarsaatit, nalilinnut uppernarsaatit aammalu allagartaatit allat aningaasanik nalilinnut uppernarsaataasut aammalu allagartaammik tigumminnippu kinaanerani uppernarsaasuusunik allagartaammik tunniussinissamut, allagartaat naapertorlugu aningaasanik akilerneqarnissamut, pigisat nuunneqarsinnaasut tigunissaannik piumasaqarnermut imaluunniit allagartaat naapertorlugu kifartuussinermik sullinneqarnissamik piumasaqarnermut.
- Imarisat ulorianaatillit. Imarisat ulorianaatillit tassaapput akuutissat atortussalluunniit, ilutsimikkut akumikkulluunniit innunut, uumasunut, avatangiisinut (assersuutigalugu

nioqqutissiornermi maskinanut aammalu nassiussanut allanut) imaluunniit angallasissutigisanut ulorianaateqarsinnaasut, tassunga ilaallutik FN-ip malittarisassiaani „UN Recommendations on the Transport of Dangerous Goods. Models regulations“-imi qaqugukkulluunniit nassiussatut ulorianaatillit pineqartut. „Nassiussat ulorianaatillit, POST Greenland aqquutigalugu nassiuteqqusaanngitsut“ www.post.gl -imi takuneqarsinnaapput aammalu allakkerivimmit ilisimatitsissutigineqartarlutik.

- Nunap immallu uumasui uumasut, tassani pineqarlutik igutsaat, sullerngit sullineqatiminnik ajoqutaasunik akiuisussat (rovvider), uumasullu allat qimerloqanngitsut.
- Aallaasit
- Imassat, qaartartut assigisaallu ilanngullugit.
- Nioqqutissat peqquserulluni assilisat salloqittaasiillu.
- Inuit uumasullu toqungasut timaasa sinnikui.
- Suulluunniit suunertik imaluunniit poortorneqarnertik pissutigalugu allakkerivimmi sulisunik ulorianartorsioritsinnaasut imaluunniit nassiussanik allanik allakkerinermiluunniit atortunik mingutserisinnaasut aseruisinnaasulluunniit.

1.5 Poortorneri

Nassiussisup Poortukkap poortorluarneqarsimanissaa akisussaaffigaa. Taamaallunni nalinginnaasumik allakkerinikkut suliarineqarnerani imaasa isumannaatumik illersorneqarnerat qulakkeerneqarsinnaaqqullugu, kiisalu allakkap nassiussanik allanik, POST Greenlandimik allanilluunniit ajoqusiisinaanera pinngitsoortissinnaaqqullugu. POST Greenlandip poortuutit misissornissaa pisussaaffingngilaq. Poortukkap nassiunneqartussatut tunniunneqarnerani POST Greenlandip paasippagu Poortugaq isumannaatumik poortugaasimangitsaq, POST Greenland naliliini naapertorlugu Poortukkamik tiguisinissaminik itigartitsisnaatitaavoq imaluunniit nassiussisup uppernarsaammik atsiqqusinnaallugu, Poortugaq nassiussisup akisussaaffigisaanik nassiunneqartoq.

Atortut elektroniskiusut, soorlu qarasaasiat, skærminut display-it, fjernsynit, radiot il.il. sananeqarfimminnit poortuutigisaminnik pooqassapput.

Imarisat qajannartut (soorlu igalaamerngit/marraat) imaluunniit imerpalasut, poortuutissat POST Greenlandip akuerisai poortuutigalugit taamaallaat nassiunneqarsinnaapput.

Poortukkat mianersuutassat nassiunneqarsinnaanngillat.

1.6 Nalunaaqutsiineq

Poortukkap (A Prioritaire-p) saqqaani „Prioritaire“ nalunaaqutsiunneqassaaq imaluunniit meqqilerneqassalluni „A Prioritaire“-mik.

1.7 Adressekortit – immersugassat

Nassiussisup immersugassat immikkut ittut (adressekortit) Poortukkamut atugassarai. Immersugassat allakkerivimmi pineqartarput, nassiussisumiillu immersorneqassallutik. Immersugassat nassiussisup aqqanik naqinneqareersimasut amerlasuunngorlugit akiliinikkut pineqarsinnaapput.

1.8 Allakkerivimmut tunniussineq

Poortukkat allakkerivimmut tunniunneqassapput. Immikkut isumaqatigiissuteqarnikkut Poortukkat nassiussisussamut aaneqarsinnaapput. Naammagittaallionermi uppernarsaat nassarneqassaaq.

1.9 Piumasaqarsinnaatitaaffik

Poortukkanik nunan nassitsiviusunut arlalinnut nassiussinermi Poortukkami tiguisussatut qaatuuliussamut tunniunneqarnissaata tungaanut, nassiussisup Poortukkamut utertinnissaanik imaluunniit tiguisussamut allamut tunniunneqarnissaanik piumasaqarsinnaatitaavoq. POST Greenland Poortukkap utertinneqartup nassiunneqarnermini akianik utertitsineq ajorpoq. Nassiussisup piumasaqarsinnaatitaaffik atorsimappagu, POST Greenland suliassap allanngorteqquneqarneranut suliakkersuummut akiliuteqartitsisnaatitaavoq. Akiliuteqartitsineq siusinnerpaamik akileqquneqassaaq, nassiussaq

allakkerivimmit nassitsivigisamat ingerlatineqareersimappat. Nunami tiguisiffiusumi allakkerisoqarfiup pisut ilaanni allakkap allamut ingerlateqqinneqarneranut tapiliussassaq akiligassannqortissavaa.

1.10 Tiguisussamat tunniussineq

Nunami tiguneqarfissaani Poortukkanik tiguisussamat tunniussinermt malittarisassat atuuttut malinneqassapput.

1.11 Poortukkat apuunneqarsinnaanngitsut

Poortukkat apuunneqarsinnaanngitsut nunami tiguneqarfissaanni malittarisassat atuuttut malillugit suliarineqartarput. Assersuutigalugu makku pissutaallutik nassiussat apuunneqarsinnaasannqillat: Tiguisumasoaqqanngilaq, tiguisusaaq najukkami ilisarisimaneqanngilaq, qaatiguuliornera amigarpoq assigisaalu.

1.12 Allakkerinermi isertuussisussaaneq nassiussanillu ammaaneq

Nassiussisup allakkerivimmik atuineri sumulluunniit tunngasut POST Greenlandip isertuussassarai. Pisuni immikkorluinnaq ittuni Kalaallit Nunaanni Ilanngaaserinermt oqartussasunut kiisalu Kalaallit Nunaanni Politeeqarnermt oqartussasunut tunngassuteqartuni, POST Greenland taamaattoq paasissutissanik taakkununga tunniussisussannqortinneqarsinnaavoq.

Nassiussat apuunneqarsinnaanngitsut pillugit pisuni immikkut illuinnartuni *Namminersorlutik Oqartussat nalunaarutaanni nr. 9 24. juni 2011-meersumi* allassimasunut ilaasuni, POST Greenland Poortukkamik ammaasinnaataavoq.

Poortukkat tiguisussamat tunniunneqarsinnaanngitsut uterfissaqanngitsullu nassiunneraniit qaammatit 12 qaangiuppata aserorterneqassapput.

1.13 Akit

Akit qaqugukkulluunniit atuuttut allattorsimaffiat www.post.gl -imi aammalu allakkerivinni takuneqarsinnaapput, tassanilu aamma akit atuuttut tamaasa pillugit paasissutissiisoqartarpoq.

Akinik allannqortoqartillugu nunatsinni tusagassiuutit aqutigalugit tamanna pillugu ilisimatitsisoqassaaq.

1.14 Akiliineq

Aki nassiussassamik tunniussinermi aningaasannqorlugu akilerneqassaaq nassitsisoq akiligassarsinissamik allaganngorlugu POST Greenlandimik isumaqatigiisuteqarsimanngippat.

1.15 Taarsiissuteqartarneq

POST Greenland Poortukkap kinguaattoorneranut taarsiissuteqarneq ajorpoq.

Poortugaq tammarsimappat imaluunniit ajoqusersimappat, imaluunniit Poortukkap imai tamakkiisumik ilaannakortumilluunniit aserorsimappata, ajoqusernerannut taarsiisoqassaaq 2.500 kr.-it angullugit angissusillimmik.

POST Greenlandili taarsiissussaaneq ajorpoq tammarnera innarlerneraluunniit nassitsisup kukkunerippagu, nassiussap qanoq iluseqarnera, qajannartumik poortorneqarsimappat imaluunniit pissutsit POST Greenlandip ingalassinnaanngisai atuuppata kingunerilu POST Greenlandip pinngitsoortissinnaanngit. Ajoqusernermt takoriaannaanngitsunut taarsiisoqarneq ajorpoq, aammalu taarsiisoqassanani atorlut elektroniskiusut nassiunneqarnerminni puussaviinik poortorneqarsimanngippata. Iluaqtissanut annaasanut, ujariatsinermt, nalikillinerani annaasanut imaluunniit ajoquserner toqqaannanngikkaluartumik kingunerisaanut allanut taarsiisoqarneq ajorpoq.

Poortugaq aserorneqartoq pillugu POST Greenlandimut maalaaruteqarneq, imaluunniit Poortukkap imaanik tamakkiisumik ilaannakortumilluunniit annaasaqarnermt, ersittumik aserorsimanageranut imaluunniit imaanik tamakkiisumik ilaannakortumilluunniit annaasaqarnermi maalaaruteqarneq, Poortukkap tigunerani erngerluni pissaaq. Piffissaliussaq qaangereersoq maalaaruteqaraanni, allamik uppernarsaatissaqartoqanngippat tunngavigineqassaaq Poortugaq nassiunneqarnissaminut tunniunneqarnermini aserorsimanngitsut imaalu aseqqukuunngitsut.

POST Greenland taarsiissussaajunnaartarpoq POST Greenlandimut piimasaqaat Poortukkap tiguneraniit qaammatit 12-it qaangiutsinnagit nalunaarutigineqarsimanngippat.

POST Greenlandip taarsiissuteqartussaaneranut *Namminersorlutik Oqartussat nalunaarutaanni nr. 9, 24. Juni 2011-meersumi* malittarisassat aamma atuuppaput.

Niuernermi piimasaqaatini ukunani, tassalu imm. 1.4-imi aamma 1.5-imi piimasaqaatinit kiisalu Poortukkanut Nalilinnut tunngatillugu imm. 3-mi piimasaqaatinit, poortukkap imaanut poortorneqarsimanissaannullu piimasaqaataasunik malinninnginnerup kingunerisaanik POST Greenlandip annaasaqaatigisaanut tunngatillugu, nassiussisoq pissaavaoq POST Greenland qanoq ittumilluunniit annaasaqatsaalissallugu. Tamakku saniatigut Kalaallit Nunaanni eqqartuussiveqarnerup malittarisassai nalinginnaasut malillugit nassiussisoq taarsiissusaataavoq.

1.16 Maalaarutit

Nassiussisup tiguisussalluunniit POST Greenland Poortukkamik ingerlassinera pillugu maalaarutigineruniuk, maalaarutini najukkami allakkerivimmut tunniussimassavaa nassiussap POST Greenlandimut tunniunneraniit qaammatit 12-it qaangiutsinnagit. Allakkeriviup aalajangernera POST Greenland, Qullersaqarfik, Postboks 9999, 3900 Nuummumt ingerlatineqassaaq aalajangiiffigisassatut.

POST Greenlandip Qullersaqarfiata aalajangernera Naalakkersuisunut maalaarutigineqarsinnaavoq. *Inatsisartut inatsisaanni nr. 3, 15. april 2011-meersumi § 22a* naapertorlugu aalajangiinerup maalaarutigineqartup tigunerata kingorna sap. ak. sisamat qaangiutsinnagit maalaarutiginnitoqarsinnaavoq.

2. ØKONOMIPOSTPAKKE-t (B Economique-t /umiarsuakkut nassiussat)

Poortukkat umiarsuakkoortut (B Economique-t) Poortukkanut timmisartukkoortunut (A Prioritaire-nut) tunngatillugu niuernermi piimasaqaatinit ilaapput, takuuk imm. 1, makkunngali allaassuteqarlutik:

2.1 Ingerlanneqarnerisa siviussusaat

Poortukkap umiarsuakkoortup (B Economique-p) ingerlanneqarnerata qanoq siviutigineranut poortukkap nunamut sorlermt nassiunneqarnera apeqqutaavoq, Poortukkanulli (A Prioritaire-nut) sanilliullugu siviuneruvoq. Nunanut tiguisussanut ingerlanneqarnerisa siviussusaat pillugit allakkeriviit annertunerumik paasissutissiisinnapput.

2.2 Nalunaaqutsiineq

Poortukkap umiarsuakkoortup (B Economique-p) saqqaaani ilisarnaasiisoqassaaq „B“-mik imaluunniit meqqilerneqassalluni „B Economique“-mik.

3. POORTUKKAT NALILLIT

Poortukkat, nunat tiguisiffiusussat ilaannut Nalillittut nassiunneqarsinnaapput. Nunat sorliit Poortukkanik Nalilinnik nassitsiffiusinnaanersut allakkerivinni paasineqarsinnaapput. Poortukkat Nalillit Poortukkanut timmisartukkoortunut (A Prioritaire-nut) niuernermi piimasaqaatini imm. 1 naapertorlugu ilaapput, taamaattoorli makkunngala allaassuteqarlutik:

3.1 Imai

Nunat tiguisiffiusussat ataasiakkaat Poortukkamik Nalilimmik nassinneqartussat poortukkap nalinganik annerpaaffiliussaqarput. Nunat tiguisiffiusussat ilaannut aamma Poortukkat Nalillittut nassiussat imaannut killilersuisoqarpoq, tassa Poortukkanut Nalilinnut nassiutequsaanngillat aningaasat kiisalu guulti solvilu aningaasaliarineqanngitsoq. Tamakku pillugit paasissutissanik annertunerumik allakkerivinni paasisaqartoqarsinnaavoq, kisianni nassitsisup misissugassaraa aningaasat allanneqartut aammalu nassiussap imai Poortukkat Nalillittut nassiunneqartut nunamut nassitsiffiginiaakkamut nassiunneqarsinnaanersut.

Poortugaq Nalilik aningaasanik aamma/imaluunniit allagartaatinik imaqarsimaguni, imaasa nalingisa poortukkami ataatsimi kr. 25.000-it qaangereersimassanngilaat.

Allagartaatit nalingat naatsorsorneqartarpoq allagartaatip nalinga allassimasooq tunngavigalugu. Allagartaammi aningaasat nalinganik allassimasooqanngippat imaluunniit allagartaammi allassimasup aningaasat naligisarpiaat assiginngippagu, aningaasat allagartaammi allassimasut nassiussisup allassava. POST Greenlandip aningaasannorlugu nalingata nassitsisumit uppersarneqarnissaa piumasarisinnaavaa.

3.2 Nalunaaqutsiineq

Poortugaq Nalilik poortukkap saqqaani nalunaaqutserneqassaaq „Værdi/Valeur declare“ -mik, imaatalu nalinga koruuninngorlugu imaluunniit SDR-inngorlugu aammalu naqinnerit atorlugit allanneqassalluni. Naliliussatut allanneqartup nassiussap imarisaata nalinga sinnersimassanngilaa, ajornanngilarli imaata nalingata ilaannaata allanneqarsinnaanera. Poortukkanut Nalilinnut aningaasanik aamma/imaluunniit allagartaatinik imalinnut tunngatillugu naliliussap nalinga allanneqarsimasooq imarisaanut tamatigut naapertuutissaaq.

3.3 Poortorneri

Poortukat Nalilit poortornerat ima qajannaatsigissaaq imatullu suliarineqarsimassalluni susassaqqanngitsunit ammarniarneqarsimanera takuneqanngitsoorinnaassanani. Poortukat Nalilit naqisuserneqarsimassapput lak-iusumik nipittartumilluunniit naqitsivigineqarsimasumik. Poortugaq Nalilik allunaasamik ungeruserneqarsimappat, nipittartooq poortukkamut ungerutigineqartumit ilorliulluni nipitinneqarsimassaaq. Allakkeriviup Poortugaq Nalilik nipittartumik nipititsivigisinnaavaa akiliitsisilluni.

Poortukkap Nalilip puuta sinai qalipaasigaassanngillat imaluunniit allagartaliigaassanatik nipitittakkamik il.il., taamaallaalli allakkerineri allagartaliussanik nipititsiffigineqarsimassallutik. Poortukkanik Nalilinnik nassiussineri aningaasat agorsimasut pineqartillugit, poortorneqarsimanissaat immikkut itunik malittarisassaqqarpoq. Tamanna pillugu paasisutissat annertunerusut allakkerivimmi pineqarsinnaapput.

3.4 Allakkerivimmut tunniussineq

Poortugaq Nalilik allakkerivimmut tunniunneqassaaq. Tunniussineri nassiussisup immersorsinnaavaa uppersartaat immikkoortoq nassiussisup tigusissallu adressiik immersuiffissiaasoq, taanna uppersartaatissaavoq Poortugaq Nalilittut nassiunneqarsimasuusoq. Immersugassiap immersorneqarsimasup tigusimanera POST Greenlandip atsiornikkut uppersartaatissaavaa. Naammagittaallornermi uppersartaat nassarneqassaaq.

3.5 Taarsiissuteqarneq

Poortugaq Nalilik innarlernerqarsimappat tammarsimappalluunniit POST Greenland taarsiussavaoq annerpaamik 25.000 kr.-inik.

POST Greenlandili taarsiussavaoq ajorpoq tammarnera innarlerneraluunniit nassitsisup kukkunerippagu, nassiussap qanoq iluseqarnera, qajannartumik poortorneqarsimappat imaluunniit pissutsit POST Greenlandip ingalassinnaanngisai atuuppata, kingunerilu POST Greenlandip pinngitsoortissinnaanagit.

Iluuqutissanut annaasanut, ujariatsineri, nalikillinerani annaasanut imaluunniit ajoqusernerup toqqaannanngikkaluartumik kingunerisaanut allanut taarsiisoqarneq ajorpoq.

Taarsiisoqarnissaanik piumasaqarneq POST Greenlandimut nalunaarutigineqartussaavoq Poortukkap Nalilip POST Greenlandimut tunniunneqarneranit qaammatit 12-it qaangiut-sinnagit, taakkulu qaangerneqarsimappata taarseeqqusissut atorunnaartarpoq.

4. NASSIUSSAT AKILEQQAARLUGIT TIGUSASSAT

Poortukat timmisartukoortut (A-t) aamma Poortukat umiarsuakkoortut (B-t), Akileqqaarlugit tigusassat Danmark-imuinaq nassiunneqarsinnaapput – aatsaat elektrownisk dataudveksling-imik Post Danmark-ilu isumaqatigiissuteqaqqaarluni. Taamaattumik isumaqatigiissusiorumagaanni POST Greenland-ip qullersaqarfia attavigineqassaaq. Poortukat Akileqqaarlugit tigusassat Poortukatut Nalilittut nassiunneqassapput. Nassiussat annerpaamik aningaasartaqarsinnaapput 25.000 kr.-inik.

Poortukat timmisartukoortut (A-t) aamma Poortukat umiarsuakkoortut (B-t) niuernermi piumasaqaatinut taakkununga ilaapput, takuuk imm. 1 aamma 2, taamaattorli makkuninnga allaassuteqarlutik:

4.1 Nalunaaqutsiineq

Poortukkamik Akileqqaarlugu tigusassannorlugu nassiussineri nassiussisup immersugassiaq immersussavaa allallugu nassiussisooq tigusissarlugu, kiisalu tigusissap akiligassaasa aningaasat angissusaat. Nassiussisup aammattaq Poortukkap saqqaanut nalunaaqutsiutissavaa/meqqiliutissavaa „A Prioritaire“ imaluunniit „B Economique“, kiisalu „Remboursement“, tamatumalu kingorna aningaasat akilerneqartussat kronit ørillu kisitsisut naqitatullu allallugit.

Nassiussisup aammattaq immersugassiaq nassiussap tignerani akilikkat utimut nassiunniissaannut atugassaq immersussavaa. Allakkeriviit tamanna pillugu annertunerusumik paasisutissisinnaapput.

4.2 Allakkerivimmut tunniussineq

Poortugaq Akileqqaarlugu tigueqartussaq allakkerivimmut tunniunneqassaaq. Tunniussineri nassiussisup immersorsinnaavaa uppersartaat immikkoortoq nassiussisup tigusissallu adresseanik immersuiffissiaq, taanna uppersartaatissaavoq Poortugaq Akileqqaarlugu tigueqartussat nassiunneqarsimasooq. Immersugassiap immersorneqarsimasup tigusimanera POST Greenlandip atsiornikkut uppersartaatissaavaa. Uppersartaatissaavaq nassarneqassaaq malaaruteqartoqassagaluarpat.

4.3 Piumasaqarsinnaatitaaffik

Nunami tigusiffiusuni arlalinni nassiussineri tigusissatut allassimasumut Poortukkap tunniunneqarnissaata tungaanut nassitsisooq piumasaqarsinnaatitaaffeqqarpoq, poortugaq tigusissusamut allamat allannortissinnaallugu imaluunniit tigusissap akiligassaasa aningaasartai allannortissinnaallugit akilersinnagilluunniit tunniunneqartussanngorsinnaallugit. POST Greenland Poortukkap utertinneqartup nassiunneqarnermini akianik utertitsineq ajorpoq. Nassiussisup piumasaqarsinnaatitaaffini atorsimappagu, suliaasap allannortinneqarnissaa pillugu POST Greenland nassiussisooq akitsuummik akiliuteqartissinnaavaa. Nunami tigusiffiusumi allakkerineri suliaqartup, pisut ilaanni poortukkap allamat ingerlatinneqarnerani nassiussineri akia ilassutaa tigusissumut akileqqussavaa.

4.4 Tigusissusamut tunniussineq

Poortukkamik Akileqqaarlugu tigueqartussamik tunniussineq pisarpoq nunami tigusiffiusumi malittarisassat atuuttut malillugit. Nunat tigusiffiusut ilaanni allakkerisooqarfimmit, nassiussap tunniunneqarneranut atatillugu akitsuut, tigusissumut akileqquneqartarpoq.

4.5 Taarsiissuteqarneq

Nassiussisup immersugassami allassimasai aningaasat ilanngullugit akilersinngitsoorlugit poortukkamik Akileqqaarlugu tigueqartussamik tigusissusamut tunniussigaanni, nassitsisup piumasarisinnaavaa aningaasat pineqartut POST Greenlandip akilissagai. Aningaasat annerpaaffissaraat 25.000 kr.